

泉州府志

卷之五十九

卷之五十九

泉州府志卷之五十九

篤行

篤親敦故自廟堂以迄蓬華胥是道也大司徒三物  
賓興二曰六行古處是敦風斯厚矣泉瀨海而居古  
心質貌尚鮮澆漓之習士君子砥行於鄉飭規礪矩  
族姻閭里間往往恩意流溢次而匹夫自好行誼亦  
有足多者彼其至情所將未嘗爲覬福澤計而天人  
感應如響應聲卒之光大融顯不於其身必於其子  
孫被榮封而享令名由唐以來歷歷指數仕宦科目

而外大抵皆縉紳之祖若父也其或淵潛霧隱一時  
未騰其輝而後嗣蕃衍寢熾寢昌久終必發追而溯  
之夫固累黍不差耳

國家一道同風民俗不變

宗上諭十六條諄諄訓示海內外山陬莫不父誡其子兄勉  
其弟相期以革薄從忠況吾泉素稱淳厚者哉志篤  
行

唐篤行

鄭挽字季實晉江人七八歲卽明敏嚴潔無童心及舞象

溫良貞亮如成人既冠孝弟惠和侔於前哲人望無聞  
時譽皆歸歐陽詹之妹嫁焉及卒詹爲銘其墓稱曰君

子闕書參歐陽  
行周撰誌

五代篤行

蔡儼晉江人爲人節儉好施王審知辟爲戶部郎中闕書

宋篤行

陳龍輔

陳詳

蔡霆發

陳龍輔字寶臣晉江人汝夷子嘉祐二年進士知建昌軍

宋史卷一百一十五 忠義一 唐至宋篤行二

秋滿棄去集古今忠孝德義爲子孫法子孝友孝恭孝  
威俱第進士而孝恭有盛名自汝頭徙居丹徒孝友輩  
遂世爲丹徒人

閩書

陳詳晉江人年十八登紹聖四年進士爲南劍州推官尚  
書黃裳妻以女未幾女亡裳故挈其裝歸以觀其趣詳  
不爲意乃反之仍歸以娣同年張讀題其里曰通籍終

通判濠州

舊志

蔡霆發字子飛晉江人居南安白石村學行純篤躬負薪  
以養母淳熙十一年進士以邑最召入朝主管官告院

能其職卒于官所著有家訓集鑒舊志

明篤行

曾訓

吳龍

郭全

黃賢

柯應壽

謝仙舉

溫天德

蔡潤

黃恭

林榮

張天眷

丁德

蔡觀慧

林昱

詹祿

黏細

顧美

畱昆

唐章

張旺

謝洞

張宗應

伍元旭

莊積坪

郭潑

洪璽

林茂森

林應

楊興

林凱

朱璿

吳懷荆

陳元

張良保

李弼

洪賀

蔣文樞

洪彬

鄭元

傅珙

顧原淑

許統懋

曾訓字廷誨晉江人宋魁首從龍之後賦性質直言必出

衷居家理與人交信持身謹飭課子義方念先世祠宇

多歷年所恐至廢墜捐資竭力葺治以奉先祀年五十

六卒子濟永樂辛卯舉人戊戌進士官知縣

節桐月山房稿

吳龍字仲雲晉江人生元季世比入明父與兄弟相繼淪  
沒乃刻志治生銖積寸累漸致饒裕事母愉色婉容一  
衣一食不進于母弗敢先母歿喪葬盡禮待族黨有恩  
姻戚中女孤不能嫁者二喪貧不能葬者七皆力資之  
好賑人於乏絕拯人於危難鄉隣有爭者聽其直不願  
赴有司課諸子力學不稍姑息年七十五卒子四孫十  
次子應宗入南安庠永樂甲午乙未聯第進士節祠月  
山房稿  
郭全字孟良號樂樵本浙江富陽人元末隨其從祖欽任  
泉州鹽提舉因樂泉之山水遂居晉江築書舍于城東

雲谷山教授生徒自號雲谷主人精通壁經兼涉諸子  
性倜儻瓌瑋言溫氣和不爲矯飾之行與人交意豁如  
也平居澹然無所計慮至與語古今事論人賢否則縷  
縷數百言浩博漫汗不見涯涘喜獎勸人見人有一善  
譽不絕口懼弗聞於人也鄉里有忿爭詣其門爲分曲  
直一言立解至有及門而反者曰吾所爲是非乃敢煩  
處士也怡情林谷遇知己至則掃石講論終日不厭已  
而命酒痛飲酒酣則高歌長嘯浩然自得不以功名得  
失稍係其心是爲郡東郭氏之一世祖年七十二卒葬

于皇蹟堡竹殊山俗傳爲壁上掛燈堪與家所稱爲雲

梯是也子居賢舉人教諭宙庶吉士

節曾聚撰誌李時勉序文

黃賢字彥德自號逸齋晉江人元處士天麟其初祖也生

五齡母歿鞠于繼母孫氏天資純夷孝養逾於所生長

卽知讀書好禮維持家務勤儉治生家用是裕且樂施

予周急里閭少年不事事者必喻以爲善人多化之長

子應登永樂二年進士次惠抱德不仕

節黃氏家傳

柯應壽字克忠號中軒晉江人少失怙恃事兄如父凡百

勞勩以身肩之不以煩兄暇肆力經史所著作爲鄭浮

邱黃元之二公所稱賞洪武三十一年初設糧長兄應  
祖在籍申應壽以道里修阻兄年高船任馳驅呈請代  
兄北上領部符歸督公賦還至閩清以疾卒子季永樂  
丁酉舉人辛丑進士任徐聞知縣

解氏世祀

謝仙舉字師喬安溪人建文己卯舉人初任德慶州學正  
遷鄭王府伴讀篤學善誘年老告歸王授金賜杖天性  
孝友處世和平族黨式之

安溪志

溫天德字伯乾號肅軒晉江人生而敏慧長而誠篤言不  
苟發事不妄動養親愉色承顏克盡孝敬愈疾昏夜祈

禱通于神明居喪哀毀踰節祀事豐約得宜誨子以嘉  
言善行律身必謹約節儉聞人善稱之不善隱之好訟  
者解以利害貪殺者動以好生接物以禮御下以寬衣  
冠獨處左圖右書探賸索隱酷愛周子通書道充爲貴  
身安爲富之語顏讀書之室曰充安精舍卒年四十七

子良恭

節廟  
學稿

蔡潤字懋德號一朴居士晉江人幼喪父事母盡孝撫諸  
弟妹爲婚娶長厚質直恬於榮利杜門家居三十年教  
子孫讀書鄉士大夫翕然稱之郡守沈海列其名於旌

善亭年七十七卒孫清

黃恭字汝誠號誠菴晉江人父貴永樂癸卯舉人任饒陽  
教諭遷南京國子助教恭景泰丙子舉人授韶州通判  
在官勤慎有爲剛果不阿七載致仕歸恭少倚父饒陽  
勵志以承家訓及父歿母老家故貧之以次婚嫁弟妹  
信敏二弟早卒撫諸姪成立無岐視次第寬以成化壬  
辰進士任浙江僉事皆秉其教既告歸優游田里二十  
餘載卒年七十六蔡清爲銘其墓

節孝虛  
齋撰誌

林榮字秉榮號直菴晉江人天性孝友淳樸父嘗欲建居

室葺里塾未遂其志榮體父志爲之自是同祖皆得安居子弟莫不肄業待族里黨一以信義剛正處之人服其平晚以齒德俱尊得受章服郡邑恒延致賓席爲風俗勸子同宏治辛酉舉人歷兩浙轉運判官

節龍峯遺集

張天眷晉江人教授寬長子孝友篤摯父俸餘悉予弟無所問分產推贏取瘠喪葬必致哀恪慷慨好施急人如恐不及邑建肅清樓所拮据捐助居多又督臨漳門馬頭坛以固城圉皆藉其力修樸樹惇而解紛排難有古烈士風折節爲恭儉人心悅服太守張濂邑令張標劉

清咸加禮異清嘗爲題贊稱曰太古之民

館張氏家傳

丁德字崇新號少逸晚稱逸翁弱冠爲諸生天順間督學至邵待士過嚴聽講試課震以誠朴德遂以親老辭籍性曠達冲夷家貧落容詞秀整有文安詳有度未嘗向人作貧態人亦莫知其貧者焚香披卷陶然自得與鄉里談桑麻不倦以橫逆相加者不置于懷有產薄兌于人兌者利其價廉賂里書移稅入戶聞之不執于官亦不持原券取盈平生不持斗斛星尺不問家有無惟祖先祀事旬日戒具必誠必腆治器皿澣衣服齋沐三日

乃與神交率爲常值歲艱食或日昃未炊或日中舉火  
若弗聞者對客款談不異平時郡邑廉其行誼榮以冠  
帶年八十七卒孫自申節三陵稿

蔡觀慧字允元一字元文晉江人清之父旣受封與鄉里  
耆舊爲逸樂會會之言曰朋友五倫之一百行道義之  
根凡我在會之人善相勸過相規有疑相質有憂患相  
與爲力時傳誦之閩書

林昱字曦明號坦夷晉江人兄蚤塲獨力支持孝事父母

性仁厚而美於義一鄉一里一寡維持其家撫諸甥長